

INSTITUT BIOLOGI SISTEM • INSTITUTE OF SYSTEMS BIOLOGY

Rujukan : UKM IBS 100-1/3/4
Tarikh : 27hb Mei 2020

PEKELILING PENGARAH BIL. 3/2020

Timbalan Pengarah/Ketua Pusat Penyelidikan,
Pegawai/Staf Pelaksana,
Pelajar,
Institut Biologi Sistem
Universiti Kebangsaan Malaysia

YBhg. Prof./Dato'/Datin/Tuan/Puan,

Assalamualaikum dan Salam Sejahtera Warga dan Pelajar INBIOSIS sekalian.

COVID19: ARAHAN KEMBALI KE MAKMAL BERDASARKAN LANGKAH PENCEGAHAN PENULARAN WABAK COVID19 DI INSTITUT BIOLOGI SISTEM (INBIOSIS), UNIVERSITI KEBANGSAAN MALAYSIA.

Dengan hormatnya izinkan saya merujuk perkara di atas dan Pekeliling Naib Canselor Bil. 5 bertarikh 14hb Mei 2020. Mesyuarat Senat pada 19hb Mei 2020 telah bersetuju untuk membenarkan pelajar kembali ke makmal untuk menyambung kembali aktiviti penyelidikan yang telah tertangguh akibat pelaksanaan PKP. Namun begitu Pengurusan INBIOSIS telah bersetuju untuk membuka makmal **semasa rasmi pada 10hb Jun 2020** dan hanya pelajar **aktif** sahaja yang dibenarkan ke makmal. Bagi mematuhi pelaksanaan penjarakan sosial di makmal, pelajar yang mempunyai keperluan kritikal sahaja dibenarkan ke makmal (tahap kritikal ditentukan oleh penyelia), manakala pelajar sedang melakukan “desk job”/ literature review/penulisan tesis diminta melakukan tugas tersebut di rumah dan sama sekali **tidak dibenarkan** datang ke makmal.

Pelajar dimestikan membaca Garis Panduan INBIOSIS Lab User SOP dan carta alir yang telah disediakan bagi memastikan semua peraturan dipatuhi.

Terdapat beberapa syarat yang telah digubal untuk memastikan kelancaran pengurusan makmal.

1. Pelajar mesti melakukan saringan kendiri di kaunter saringan lobi tingkat bawah INBIOSIS dengan mengukur suhu badan (<37.6C) sebelum memasuki makmal.
2. Pelajar dimestikan menulis maklumat diri di dalam buku yang disediakan dan juga mesti mengisi Gerak ke UKM
3. Bagi pelajar yang melepassi saringan ini, anda boleh terus ke makmal. Sila tulis nama dan maklumat waktu masuk dan keluar makmal di dalam buku log yang disediakan di setiap makmal
4. Bagi pelajar yang terpaksa keluar masuk ke makmal lain, mereka dimestikan untuk isi buku log setiap kali masuk dan keluar makmal tersebut (yang bukan makmal hakiki mereka). Jika dalam sehari itu, mereka perlu masuk ke makmal lain, pastikan mereka mencatat waktu masuk dan keluar.
5. Pelajar mesti merujuk pelan kedudukan dalam makmal hakiki yang telah disediakan bagi memastikan syarat penjarakan sosial di patuh
6. Pelajar mesti mengikut Norma Baru dalam Pekerjaan dan Penyelidikan dengan merujuk kepada SOP INBIOSIS Lab User yang telah disediakan.
7. Pelajar **tidak dibenarkan** bekerja atau berada di Kawasan INBIOSIS di luar waktu yang dibenarkan.



INSTITUT BIOLOGI SISTEM (INBIOSIS)

Universiti Kebangsaan Malaysia, 43600 UKM Bangi, Selangor Darul Ehsan Malaysia
Tel.: +603-8921 4546/4548 Faks: +603-8921 3398 E-mel: pghinbio@ukm.edu.my Web: http://www.inbiosis.ukm.my/

Mengilham Harapan, Mencipta Masa Depan • Inspiring Futures, Nurturing Possibilities

www.ukm.my

INSTITUT BIOLOGI SISTEM • INSTITUTE OF SYSTEMS BIOLOGY

8. Penyelia pelajar diminta membuat jadual kerja pelajar agar mereka digilirkan hadir ke makmal secara bergilir selang sehari bagi memastikan pematuhan penjarakan sosial dilaksanakan dengan memastikan hanya 50 – 70% pengguna makmal berada di dalam makmal pada satu-satu masa. Penyelia pelajar **mesti** merujuk kepada Pengurus Makmal atau PIC makmal masing-masing untuk menyelaraskan keperluan ini.
9. Bagi pelajar yang perlu rentas negeri untuk kembali bekerja di UKM, anda perlu memohon surat kebenaran rentas daripada Pengarah. Surat kebenaran rentas ini mesti dikepilkhan bersama-sama dengan Pekeliling UKM dan CRIM.
10. Bagi pelajar yang kurang sihat dan mengalami sebarang gejala berkaitan COVID-19 (belum atau telah menjalani pemeriksaan di luar), anda mesti memaklumkan kepada Pengurus Makmal atau PIC Makmal masing-masing atau Penyelia Akademik dengan kadar segera dan elakkan daripada hadir ke INBIOSIS buat sementara waktu sehingga disahkan sihat oleh pihak PKU/KKM.
11. Pelajar hendaklah sentiasa mematuhi semua peraturan dan arahan yang dikeluarkan oleh UKM dan Pengarah dalam menjalankan aktiviti penyelidikan mengikut peraturan dan garis panduan penyelidikan di makmal sebagaimana yang dinyatakan pada Perkara 5.0 dalam Garis Panduan SOP AKTIVITI PENYELIDIKAN CRIM
12. Dalam tempoh pelaksanaan PKP, pelajar **perlu memohon dan mendapatkan kelulusan Ketua PTj sebelum memasuki makmal/bengkel/studio penyelidikan dan pengajaran**. Kelulusan tidak perlu diperoleh lagi sekiranya arahan PKP telah tamat dan rutin kerja kembali seperti biasa.

Di sini juga ingin saya maklumkan bahawa dari Tarikh 23hb Mei sehingga 2hb Jun 2020 merupakan cuti perayaan dan sehubungan dengan itu, semua aktiviti pengajaran, pembelajaran dan penyelidikan tidak boleh dijalankan.

Sehubungan dengan itu, jika pelajar memerlukan ke makmal dalam jangka masa 3 – 9hb Jun 2020, pelajar diminta untuk memajukan permohonan kepada Pengarah (pghinbio@ukm.edu.my) bagi mendapat kebenaran bekerja di makmal. Diingatkan sekali lagi, sebelum itu memohon, pelajar diminta berbincang dengan penyelia masing-masing berkaitan dengan perkara ini.

Semoga kandungan Pekeliling ini dapat dilaksanakan dengan sepenuhnya dan semua warga dan pelajar INBIOSIS dapat kembali bertugas dalam keadaan keselamatan dan kesihatan yang terpelihara.

Sekian, terima kasih.

Yang benar,



PROF. MADYA DR. ZETI AZURA MOHAMED HUSSEIN

Pengarah

Institut Biologi Sistem (INBIOSIS), UKM



INSTITUT BIOLOGI SISTEM (INBIOSIS)

Universiti Kebangsaan Malaysia, 43600 UKM Bangi, Selangor Darul Ehsan Malaysia
Tel.: +603-8921 4546/4548 Faks: +603-8921 3398 E-mel: pghinbio@ukm.edu.my Web: http://www.inbiosis.ukm.my/

Mengilham Harapan, Mencipta Masa Depan • Inspiring Futures, Nurturing Possibilities

www.ukm.my



MS ISO 9001:2015

CERT. NO. QMS 01100



INSTITUT BIOLOGI SISTEM (INBIOSIS)

Universiti Kebangsaan Malaysia, 43600 UKM Bangi, Selangor Darul Ehsan Malaysia

Tel.: +603-8921 4546/4548 Faks: +603-8921 3398 E-mel: pghinbio@ukm.edu.my Web: <http://www.inbiosis.ukm.my/>

Mengilham Harapan, Mencipta Masa Depan • *Inspiring Futures, Nurturing Possibilities*

www.ukm.my